

佛說一切如來真實攝大乘現證三昧大教
王經卷第二十六 碑六

平江磧砂寺大藏經房承
對開國傳書卷佛大經師本於定州大藏圖通序注并註明丁代相本寺刊
一大藏經板後事思念
皆實攝種子生難過成何苦難今幸逢遠由是於施中觀本信定必錄經卷末
四思下者有海界有情同當利益

維新二年庚在乙卯八月

日期

佛說一切如來真實攝大乘現證三昧大教
王經卷第二十七 碑七

西天譯經三藏聖教太子試其祿傳法師賜紫僧尼提護等奉 詔譯

一切如來真實攝諸部儀軌秘密法用廣大
教理分第二十四
復次金剛手菩薩摩訶薩宣說諸部最上成

就秘密教理

謂先通說一切如來最上成就秘密教理頌曰

佛大菩提三摩地 妙等引心當觀想
得彼菩提妙樂門 作是思惟覺成就
此佛所說一切如來法門
如來部最上成就秘密教理

菩薩墮金剛印安心 我善愛者極愛樂
捺哩墀婆縛稱時 即得一切佛成就
今此秘密相應法 不成就者自業因
玉四婆哩野稱時 即得極上樂成就
此佛所說金剛薩埵法門
金剛部最上成就秘密教理

若處隨起忿怒心 即結降三世印契

此中秘密忿怒成 一切佛尚生怖畏

此佛所說一切如來降三世法門

蓮華部最上成就秘密教理

三摩地印相合故 如應觀察金剛拳

自他善愛者悉同 得彼愛樂法成就

此佛所說蓮華愛法門

寶部最上成就秘密教理

蓮華金剛杵相合 此說即為最上樂

復當以自出生門 獻一切佛速成就

此佛所說寶愛法門

如上為諸部最上成就秘密教理

復次金剛手菩薩摩訶薩宣說諸部三昧成就秘密教理

謂先通說一切如來三昧成就秘密教理

誦三摩耶薩怛𑖀 一切善愛者愛樂

不捨利益有情心 常於諸佛起敬愛

此佛所說毗盧遮那法門

如來部三昧成就秘密教理

貪性應知勿捨離 一切善愛者敬愛

金剛秘密三昧門 此即加護法成就

此佛所說毗盧遮那法門

金剛部三昧成就秘密教理

雖破世間所愛法 身語意業悉愛樂

碑七

二

降三世法成就門 此三昧能施成就

蓮華部三昧成就秘密教理

貪清淨故我清淨 非外計法清淨同

今此清淨三昧門 即得善護法成就

此佛所說觀自在法門

寶部三昧成就秘密教理

金剛寶印如前結 即金剛藏三摩地
為令攝伏惡有情 此三昧法得成就

此佛所說執金剛法門

如上為諸部三昧成就秘密教理

復次金剛手菩薩摩訶薩宣說諸部法成就

秘密教理

謂先通說一切如來法成就秘密教理

諸法自性本清淨 妙等引心當觀想

於一切事徧所行 即得菩提智成就

此佛所說金剛界法門

如來部法成就秘密教理

一切有情隨愛樂 亦不捨離諸境界

愛與非愛清淨門 此秘密法得成就

此佛所說金剛秘密法門

金剛部法成就秘密教理

鼻端想現吽字法 一切惡者能破壞

微妙金剛三摩地 即得如應法成就

此佛所說法吽字法門

碑七

三

蓮華部法成就秘密教理

微妙金剛勝法用 一切善愛者敬愛

獲得一切成就門 入金剛法三摩地

寶部法成就秘密教理

蓮華金剛杵相合 即能圓滿諸意願

或餘愛者或明妃 悉得最上成就法

如上是為諸部法成就秘密教理

復次金剛手菩薩摩訶薩宣說諸部羯磨成就

就秘密教理

謂先通說一切如來羯磨成就秘密教理

金剛薩埵三摩地 修者常念於諸佛

隨應入彼愛者身 使彼善愛者敬愛

如來部羯磨成就秘密教理

金剛薩埵三摩地 入彼出生門亦然

入已增廣於彼身 究盡一切皆敬愛

此佛所說金剛愛法門

金剛部羯磨成就秘密教理

金剛降三世勝印 妙等引心依法結

作忿怒入出生門 於彼復生摧破意

此佛所說金剛三昧成就秘密法門

蓮華部羯磨成就秘密教理

結法羯磨所成印 金剛蓮華三摩地

依法入彼出生門 入已諸愛者善護

此佛所說金剛蓮華法門

寶部羯磨成就秘密教理

羯磨金剛寶印結 任金剛寶三摩地

入諸愛者出生門 剎那能作警悟事

此佛所說金剛寶法門

如上是為諸部羯磨成就秘密教理

復次金剛手菩薩摩訶薩宣說諸部

曼拏羅輪清淨成就秘密教理

謂先通說一切如來曼拏羅輪清淨

成就秘密教理

清淨法輪普徧相 依法作外曼拏羅

明妃印眾圍繞成 於彼中間安佛像

是中入已依秘密 剎那於彼佛像前

碑七

四

啓白聖尊我所求 明妃成就常施我

如是所說秘密法 即一切部印理趣

秘密成就悉能成 是為諸佛無等理

此佛所說覺智法門

如來部一切曼拏羅清淨成就秘密教理

依法徧盡曼拏羅 其相猶如金剛界

此如來部勝法儀 即一切部勝理趣

悉提迦摩速稱誦 此曼拏羅當入已

稱三摩耶薩埵呼 金剛薩埵初成就

依法誦此心明句 一切悉地皆能成

真實警悟法相應 速得悅樂法成就

此佛所說金剛薩埵法門

金剛部一切曼拏羅清淨成就秘密教理

所有降三世勝相 攝彼一切金剛部

一切曼拏羅法儀 智者應當依法盡

彼中入已速稱言 我求秘密成就法

是法真性所出生 如是一切皆成就

此佛所說降三世法門

蓮華部曼拏羅清淨成就秘密教理

調伏世間勝法儀 一切蓮華部中用

智者盡此曼拏羅 彼中入已作是語

應言貪法大蓮華 聖尊施我速成就

如是言已法相應 諸曼拏羅皆成就

此佛所說觀自在法門

碑七

五

寶部曼拏羅清淨成就秘密教理

一切義成勝法用 依此當盡曼拏羅

是為大寶部相應 彼中入已作是語

悉蒙悉蒙大薩埵 具德一切法成就

一切現愛悉地門 意樂最上皆成就

如是稱說秘密語 諸曼拏羅入山已

得大悉地法圓成 秘密供養勝無上

從是已後自成就 一切所作常得成

若此秘密法速成 真實警悟亦成就

此佛所說金剛薩埵教門

如上為諸部曼拏羅清淨成就秘密教理

復次金剛手菩薩摩訶薩宣說諸部諸印秘

密成就教理

謂先通說一切如來印秘密成就教理

如來廣大極微妙 隨所愛樂施諸樂

真實隨轉如實言 生毀謗者不成就

如來部大印秘密成就教理

當結本部大印契 如其所說依次第

而此真實秘密門 從金剛語所宣說

金剛薩埵即我是 金剛明妃住我心

一切身分相合時 勇起金剛高舉相

金剛高舉大明妃 真實警悟隨愛樂

一切身中堅固成 如其所說速成就

此佛所說金剛高舉法門

金剛部三昧印秘密成就教理

悉蒙悉蒙等三昧 三摩踰欣我愛樂

今此警悟速疾門 隨其所樂皆成就

此佛所說金剛三昧法門

蓮華部法印秘密成就教理

沒鞞沒鞞大薩埵 本部善愛者愛樂

今此警悟速疾門 隨其所樂隨成就

此佛所說法金剛法門

寶部羯磨印秘密成就教理

善愛者作衆羯磨 本部金剛我成就

今此警悟速疾門 隨其所樂隨成就

此佛所說虛空藏法門

碑七

六

如是為諸部諸印秘密成就教理

復次金剛手菩薩摩訶薩宣說諸部三昧秘

密成就教理

謂先通說一切如來三昧秘密成就教理

為利益諸外見者 故佛隱覆善愛法

但當依法畫印成 此了知已即成就

此佛所說一切如來三昧法門

如來部三昧秘密成就教理

善知一切有情意 常施一切有情樂

與諸有情為父尊 即佛勝欲勝三昧

此佛所說一切如來法門

今此一切佛世尊 最上秘密未曾有

若清淨信能了知 諸難成者亦成就

此佛所說執金剛法門

金剛部三昧秘密成就教理

貪清淨中離著者 邪外非見執我者

最勝三昧破彼心 此了知已得成就

此佛所說執金剛法門

蓮華部三昧秘密成就教理

大種出生於一切 是中何等說清淨

諸邪外者破相時 決定秘密得成就

此佛所說金剛眼法門

寶部三昧秘密成就教理

寶中善愛寶和合 是寶秘密而聚集

此善愛寶無上門 如應觀察得成就

此佛所說智積法門

如是為諸部三昧秘密成就教理

復次金剛手菩薩摩訶薩宣說諸部供養秘

密成就教理

謂先通說一切如來供養秘密成就教理

諸善愛者眾圍繞 作諸適悅妙愛事

奉獻供養佛世尊 即得供養法成就

此佛所說覺智法門

如來部供養秘密成就教理

作妙樂事懈怠已 彼勝樂從樂事生

四處禮敬供養時 奉獻諸佛速成就

此佛所說堅固法門

金剛部供養秘密成就教理

結降三世三昧印 善愛和合妙樂生

以彼和合妙樂因 奉獻諸佛得成就

此佛所說金剛降三世法門

蓮華部供養秘密成就教理

想我即成觀自在 於所愛相善觀察

以彼觀察勝樂因 奉獻諸佛速成就

此佛所說蓮華眼法門

寶部供養秘密成就教理

羯磨印契結成已 諸莊嚴具以嚴身

善愛和合供養時 廣大奉獻得成就

此佛所說金剛寶法門

如上為諸部供養秘密成就教理

復次金剛手菩薩摩訶薩宣說諸部勝秘密

供養成就教理

謂先通說一切如來勝秘密供養成就教理

他所善愛秘密法 是中無有能知者

依法觀想於佛身 即得供養法成就

此佛所說覺智法門

如來部勝秘密供養成就教理

相合金剛嬉戲法 次繫金剛妙寶鬘

作彼金剛大歌音 金剛旋舞為供養

諸欲妙樂勝灌頂 歌舞樂中生勝樂

碑七

此外無別有法門 秘密供養為上者

金剛部勝秘密供養成就教理

如教所說諸法儀 勝供養為密供養

觀想降三世聖尊 即得供養法成就

此佛所說金剛秘密法門

蓮華部勝秘密供養成就教理

如教所說秘密法 大法印契妙供養

調伏世間印契成 即得供養法成就

此佛所說觀自在法門

寶部勝秘密供養成就教理

如教所說秘密法 羯磨印契妙供養

一切義成法相應 即得供養法成就

此佛所說金剛藏法門

如上為諸部勝秘密供養成就教理

復次金剛手菩薩摩訶薩宣說諸部開覺真

實甚深秘密成就教理

謂先通說一切如來開覺真實甚深秘密成

就教理

從三摩地智出生 所應成佛依次第

薩埵愛樂法相應 由斯速得無上法

此佛所說覺智法門

如來部開覺真實甚深秘密成就教理

薩埵無始亦無終 斯乃虛空出生相

一切皆是普賢身 妙欲一切世間主

碑七

九

所有一切有情心 彼堅固性即薩埵
相合金剛等無殊 決定同成金剛性
建立薩埵法成已 復成金剛薩埵尊
即此具德大士身 金剛薩埵是如來
最初覺了自心已 成佛菩提如教說
即彼所成佛世尊 出生一切如來部

此佛所說無始無終薩埵法門

由是便成如來部 即此說為金剛部

淨蓮華部成亦然 此復說名大寶部

此佛所說一切如來輪法門

如是是為諸部開覺真實甚深秘密成就教理
復次金剛手菩薩摩訶薩宣說諸部印契標

幟執持成就秘密教理

謂先通說一切如來標幟執持成就秘密教
理

即此具德薩埵尊 金剛薩埵心中住

相合三摩地法門 是為成佛菩提者

此佛所說覺智法門

如來部標幟執持成就秘密教理

金剛杵善覺了性 勝鉤乃表攝持法
箭射厭離妙智門 善哉是為歡喜相
妙寶以為莊嚴具 日輪是持光明相
寶幢即表建立門 笑相說為大悅樂
蓮華表貪清淨法 利劍斷彼煩惱究

大輪境界法為因 語即妙談持誦相

眾妙金剛巧業性 甲冑善護不破壞

利牙極惡可怖形 拳縛以表印法用

如佛世尊法常住 金剛薩埵徧所行

金剛杵等標幟門 亦然觀想此成就

此佛所說一切如來標幟法門

如是是為諸部印契標幟執持成就秘密教
理

復次金剛手菩薩摩訶薩宣說諸部印縛出
生成就秘密教哩

謂先通說一切如來印縛出生成就秘密教
理

碑七

十

盤結金剛加趺相

二手當作金剛縛

金剛薩埵三摩地

依法速疾得成佛

此佛所說覺智法門

如來部印縛出生成就秘密教理

譬如世間王印契

印已即成王教令

大士秘密諸印門

普印有情皆順伏

所有身語心金剛

影像秘密勝法用

即諸大士大印門

此了知已得成就

此佛所說普賢法門

金剛部印縛出生成就秘密教理

如彼極勝三昧印

隨其何等應結者

悉無超越此法門

亦然一切如來法

佛及金剛薩埵等

最勝印契三昧縛

乃至盡壽不應違

此了知已得成就

此佛所說金剛三昧法門

蓮華部印縛出生成就秘密教理

彼一切佛金剛語

依法不應有違越

是中若知此縛門

知已即得法成就

此佛所說法金剛法門

寶部印縛出生成就秘密教理

金剛教令大羯磨

是中不應有違越

而此教令羯磨門

此了知已得成就

此佛所說堅固法門

如上是為諸部印縛出生成就秘密教理

爾時其德金剛手菩薩摩訶薩前白佛言世

尊我此所說諸部法門唯願世尊加持攝受

即時一切如來又復雲集咸共稱讚一切如

來增上主宰金剛手菩薩摩訶薩頌曰

金剛薩埵善哉者 金剛大寶復善哉

善哉金剛妙法門 善哉金剛勝羯磨

能善宣說此正法 無上金剛秘密乘

一切如來秘密門 大乘現證法中攝

一切如來真實攝一切儀軌最上秘密廣大

教理分第二十五之一

爾時金剛手菩薩摩訶薩宣說諸部最上法

成就教理

謂先通說一切如來最上法成就教理

所有佛法三摩地 妙等引心當觀想

念佛三昧法相應 即得無上法成就

此佛所說諸如來法門

如來部最上法成就教理

金剛薩埵三摩地 妙等引心當觀想

貪性隨念法相應 即得最上法成就

此佛所說一切如來三摩地法門

金剛部最上法成就教理

於降三世勝相前 依法觀想亦復然

由金剛手力所成 即得降三世成就

此佛所說金剛薩埵法門

蓮華部最上法成就教理

調伏世間法聖尊 於前觀想亦如是

諸相具足妙莊嚴 徧作一切調伏事

此佛所說法金剛法門

寶部最上法成就教理

一切義利成就相 於前觀想亦復然

諸相具足法圓成 即得具足勝財寶

此佛所說金剛手法門

如上為諸部最上法成就教理

三末

佛說二切如來真實攝大乘現證三昧大教

王經卷第二十七

碑七

佛說一切如來真實攝大乘現證三昧大教

王經卷第二十八

碑八

西天譯經三藏聖教序云：此經傳法師羅漢門戶秘護等奉 詔譯

一切如來真實攝一切儀軌最上秘密廣大

教理分第二十五之餘

復次金剛手菩薩摩訶薩宣說諸部法三昧

乙

成就教理

謂先通說一切如來法三昧成就教理頌曰

念佛三昧法成已 此說金剛中金剛

微妙金剛法相應 即得最上佛成就

此佛所說覺智法門

如來部法三昧成就教理